

27. Et profectus sum, sicut mihi præcepit, & congregavi omnem populum, & dixi:
 28. Audi Israël verba hæc:
 29. Peregrinati sunt patres nostri ab initio in Ægypto, & liberati sunt inde:
 30. & acceperunt legem vitæ, quam non custodierunt, quam & vos post eos transgressi estis:
 31. & data est vobis terra in fortem, & terra Sion, & patres vestri, & vos iniquitatem fecistis, & non servastis vias quas præcepit vobis Altissimus:
 32. & iustus iudex cum sit, abstulit à vobis in tempore quod donaverat.
 33. Et nunc vos hic estis, & fratres vestri introrsum vestrum sunt.
 34. Si ergo imperaveritis sensui vestro, & erudieritis cor vestrum, vivi conservati eritis, & post mortem misericordiam consequemini.
 35. Iudicium enim post mortem veniet, quando iterum reviviscemus: & tunc iustorum nomina parebunt, & impiorum facta ostendentur.
 36. Ad me igitur nemo accedat nunc, neque requirat me usque dies quadraginta.
 37. Et accepi quinque viros sicut mandavit mihi, & profecti sumus in campum, & mansimus ibi.
 38. Et factus sum in crastinum, & ecce vox vocavit me dicens: Esdra aperi os tuum, & bibe quo te potavero.
 39. Et aperui os meum, & ecce calix plenus porrigebatur mihi. Hoc erat plenum sicut aqua: color autem eius ut ignis similis.
 40. Et accepi, & bibi: & in eo cum bibissem, cor meum cruciabat intellectu, & in pectus meum incresecbat sapientia. Nam spiritus meus conservabatur memoria.
 41. Et apertum est os meum, & non est clausum amplius.
 42. Altissimus dedit intellectum quinque viris, & scripserunt quæ dicebantur excessiones noctis, quas non sciebant.
 43. Nocte autem manducabant panem, ego autem per diem loquebar, & per noctem non tacebam.
 44. Scripti sunt autem per quadraginta dies libri ducenti quatuor.
 45. Et factum est cum complevisset quadraginta dies, locutus est Altissimus, dicens: Priora quæ scripsisti, in palam pone, & legant digni & indigni:
 46. novissimos autem septuaginta conservabis, ut tradas eos sapientibus de populo tuo.
 47. In his enim est vena intellectus, & sapientiæ fons, & scientiæ flumen. Et feci sic.

CAPUT XV.

Predicuntur multe calamitates seculo superventura.

1. Ecce loquere in aures plebis meæ sermones prophetiæ, quos immiseri in os tuum, dicit Dominus:
 2. & fac ut in charta scribantur, quoniam fideles & veri sunt.
 3. Ne timeas à cogitationibus adversum te, nec turbent te incredulitates dicentium.
 4. Quoniam omnis incredulus in incredulitate sua morietur.
 5. Ecce ego induco, dicit Dominus, super orbem terrarum mala, gladium, & famem, & mortem, & interitum:
 6. propter quod superpolluit iniquitas omnem terram, & adimpleta sunt opera nociva illorum.
 7. Propterea dicit Dominus:
 8. Iam non silebo de impietatibus eorum quæ irreligiosè agunt, nec suslinebo in his quæ iniquè exercent. Ecce sanguis innoxius & iustus clamat ad me, & animæ iustorum clamant perseveranter.
 9. Vindicans vindicabo illos, dicit Dominus, & accipiam omnem sanguinem innoxium ex illis ad me.
 10. Ecce populus meus quasi grex ad occisionem ducitur, iam non patiar illum habitare in terra Ægypti:
 11. sed educam eum in manu potenti & brachio excelso, & percutiam plagâ sicut prius, & corrumpam omnem terram eius.
 12. Lugebit Ægyptus, & fundamenta eius plagâ verberata,

& castigatione quas inducet ei Deus.

13. Lugebunt cultores operantes terram, quoniam deficient semina eorum ab uredine, & grandine, & à sidere terribili.
 14. Væ sæculo, & qui habitant in eo:
 15. quia appropinquavit gladius & contritio eorum, & exurget gens contra gentem ad pugnam, & rhomphæa in manibus eorum.
 16. Erit enim inconstabilitio hominibus, & alii aliis invalescentes non curabunt regem suum, & principes viæ gestorum suorum in potentia sua.
 17. Concupiscet enim homo in civitatem ire, & non poterit.
 18. Propter superbiam enim eorum civitates turbabuntur, domus exterebunt, homines metuent.
 19. Non miserebitur homo proximum suum ad irritum faciendum domos eorum in gladium ad diripiendas substantias eorum propter famem panis & tribulationem multam.
 20. Ecce, ego convoco, dicit Deus, omnes reges terræ ad me verendum, qui sunt ab Oriente, & ab Austro, & ab Euro, & à Libano, ad convertendos in se, & reddere quæ dederunt illis:
 21. sicut faciunt usque hodie electis meis, sic faciam & reddam in sinu eorum. Hæc dicit Dominus Deus.
 22. Non parcat dextera mea super peccatores, nec cessabit rhomphæa super effundentes sanguinem innoxium super terram.
 23. Exiit ignis ab ira eius & devoravit fundamenta terræ, & peccatores quasi stramen incensum.
 24. Væ eis qui peccant, & non observant mandata mea, dicit Dominus.
 25. non parcam illis. Discedite filii à potestate. Nolite contaminare sanctificationem meam,
 26. quoniam novit Dominus omnes qui delinquant in illum, propterea tradidit eos in mortem, & in occisionem.
 27. Iam enim venerunt super orbem terrarum mala, & manebitis in illis. non enim liberabit vos Deus, propter quod peccastis in eum.
 28. Ecce visio horribilis, & facies illius ab oriente.
 29. Et exient nationes draconum Arabum in curribus multis, & sicut status, eorum numerus ferrus super terram, ut iam timeant & trepident omnes qui illos audient.
 30. caronii insanientes in ira, & exient ut aprî de silva, & advenient de virtute magna, & constabunt in pugnam cum illis, & vastabunt portionem terræ Assyriorum.
 31. Et post hæc supervalescent dracones nativitatibus suæ memores, & convertent se conspirantes in virtute magna ad persequendos eos.
 32. Isti turbabuntur & silebunt in virtute illorum, & convertent pedes suos in fugam,
 33. & à territorio Assyriorum subsessor obsidebit eos, & consumet unum ex illis, & erit timor & tremor in exercitu illorum, & contentio in reges ipsorum.
 34. Ecce nubes ab oriente, & septentrione usque ad meridianum, & facies earum horrida valde, plena iræ & procellæ,
 35. & collident se invicem, & collident sidus copiosum super terram, & sidus illorum, & erit sanguis à gladio usque ad ventrem,
 36. & simus hominis usque ad substramen cameli, & erit timor & tremor multus super terram,
 37. & horrebunt qui videbunt iram illam, & tremor apprehendet illos: & post hæc movebunt nimbi copiosi.
 38. à meridiano & septentrione, & portio alia ab occidentem:
 39. & supervalescent venti ab oriente, & recludent eam, & nubem quam suscitavit in ira, & sidus ad faciendam exterritationem ad orientalem ventum & occidentem violabitur:
 40. & exaltabuntur nubes magnæ & validæ plenæ iræ, & sidus, ut exterreant omnem terram, & inhabitantes eam, & infundent super omnem locum altum & eminentem sidus terribile,
 41. ignem & grandinem, & rhomphæas volantes, & aquas multas, ut etiam impleantur omnes campi, & omnes rivi plenitudine aquarum multarum.

42. & demolientur civitates, & muros, & montes, & colles, & ligna silvarum, & scænum pratorum, & frumenta eorum.
 43. Et transibunt constantes usque ad Babylonem, & exterebunt eam:
 44. convenient ad ipsam, & circuibunt eam, & effundent sidus, & omnem iram super eam, & subibit pulvis & fumus usque in cælum, & omnes in circuitu lugebunt eam:
 45. & qui sub ea remanserint, servient his qui exterruerunt.
 46. Et tu Asia concors in spem Babylonis, & gloria personæ eius,
 47. væ tibi misera propter quod assimilasti ei, & ornasti filias tuas in fornicatione, ad placendum & gloriantium in amatoribus tuis, qui tecum cupierunt semper fornicari.
 48. Odibilem imitasti es in omnibus operibus eius, & in adinventibus eius: propterea dicit Deus,
 49. Immittam tibi mala, viduitatem, paupertatem, & famem, & gladium, & pestem, ad vastandas domos tuas à violatione, & morte, & gloria virtutis tuæ.
 50. Sicut flos siccabitur, cum exurget ardor qui emissus est super te,
 51. infirmaberis ut pauperula plagata & castigata à mulieribus, ut non possint te suscipere potentes & amatores.
 52. Numquid ego sic zelabor te, dicit Dominus,
 53. nisi occidisses electos meos in omni tempore, exaltans percussorem manuum, & dicens super mortem eorum, cum inebriata esses,
 54. Exorna speciem vultus tui?
 55. Merces fornicationis tuæ in sinu tuo, propter hoc redemptionem accipies.
 56. Sicut facies electis meis, dicit Dominus, sic faciet tibi Deus, & trader te in malum.
 57. Et nati tui fame interient: & tu rhomphæa cades, & civitates tuæ conterentur, & omnes tui in campo gladio cadent.
 58. Et qui sunt in montibus, fame peribunt, & manducabunt carnes suas, & sanguinem bibent à fame panis & siti aquæ.
 59. Infelix per maria venies, & rursus accipies mala.
 60. Et in transitu allident civitatem occisam, & exterebunt aliquam portionem terræ tuæ, & partem gloriæ tuæ exterminabunt, rursus revertentes ad Babylonem subverfam.
 61. Et demolita eris illis pro stipula, & ipsi erunt tibi ignis:
 62. & devorabunt te, & civitates tuas, terram tuam & montes tuos, omnes silvas tuas & lignum fructiferum igni comburent.
 63. Filios tuos captivos ducent, & censam tuam in prædam habebunt, & gloriam faciei tuæ exterminabunt.

CAPUT XVI.

Horrenda universo orbi desolatio in fine futura.


1. Væ tibi Babylon & Asia, væ tibi Ægypte & Syria.
 2. Præcingite vos saccis & ciliciis, & plangite filios vestros, & dolete: quoniam appropinquavit contritio vestra.
 3. Immissus est vobis gladius, & quis est qui avertat illum?
 4. Immissus est in vobis ignis, & quis est qui extinguat illum?
 5. Immissa sunt vobis mala, & quis est qui repellat ea?
 6. Numquid repellat aliquis leonem esurientem in silva, aut extinguet ignem in stipula, mox quando coeperit ardere?
 7. Numquid repellat aliquis sagittam à sagittario forti missam?
 8. Dominus fortis immittit mala, & quis est qui repellat ea?
 9. Exiit ignis ex iracundia eius, & quis est qui extinguat eum?
 10. Coruscabit, & quis non timebit? Tonabit, & quis non pavebit?
 11. Dominus comminabitur, & quis non funditus conteretur à facie ipsius?
 12. Terra tremuit & fundamenta eius, mare fluctuat de profundo, & fluctus eius disturbantur, & pisces eius à facie Domini, & à gloria virtutis eius:

13. quoniam fortis dextera eius quæ arcum tendit: sagittæ eius acutæ quæ ab ipso mittuntur, non deficient, cum ceperint mitti in fines terræ.
 14. Ecce mittuntur mala, & non revertentur donec veniant super terram.
 15. Ignis succenditur, & non extinguetur, donec consumat fundamenta terræ.
 16. Quemadmodum non redit sagitta missa à valido sagittario, sic non revertentur mala quæ missa fuerint in terram.
 17. Væ mihi væ mihi: quis me liberabit in illis diebus?
 18. Initium dolorum & multi gemitus, initium famis & multi interitus, initium bellorum & formidabunt potestates, initium malorum & trepidabunt omnes.
 19. In his quid faciam, cum venerint mala?
 20. Ecce fames & plaga, & tribulatio, & angustia missa sunt flagella in emendatione.
 21. & in his omnibus se non convertent ab iniquitatibus suis, neque flagellorum memores erunt semper.
 22. Ecce, erit annonæ vilitas super terram, sic ut putent sibi esse directam pacem, & tunc germinabunt mala super terram, gladius, fames, & magna confusio.
 23. A fame enim plurimi qui inhabitant terram interient, & gladius perdet ceteros qui superaverint à fame,
 24. & mortui sicut stercora projicientur, & non erit qui confoletur eos. Derelinquetur enim terra deserta, & civitates eius dejicientur.
 25. Non derelinquetur qui colat terram, & qui seminet eam.
 26. Ligna dabunt fructus, & quis vindemiabit illa?
 27. Uva matura fiet, & quis calcabit illam? erit enim locis magna desertio.
 28. Cupiet enim homo hominem videre, vel vocem eius audire.
 29. Relinquentur enim de civitate decem, & duo de agro qui absconderint se in densis nemoribus, & scissuris petrarum:
 30. quemadmodum derelinquantur in oliveto & singulis arboribus tres aut quatuor olivæ.
 31. aut sicut in vinea vindemiata racemi relinquuntur ab his qui diligenter vineam scrutantur:
 32. sic relinquentur in diebus illis tres aut quatuor ab scrutantibus domos eorum in rhomphæa.
 33. Et relinquetur terra deserta, & agri eius inveterabunt, & viæ eius, & omnes semitæ eius germinabunt spinas, eò quod non transient homines per eam.
 34. Lugebunt virgines non habentes sponfos, lugebunt mulieres non habentes viros, lugebunt filie earum non habentes adiutorium:
 35. sponsi earum in bello consumentur, & viri earum in fame exterebunt.
 36. Audite verò ista, & cognoscite ea servi Domini.
 37. Ecce verbum Domini, excipite illud: ne diis credatis de quibus dicit Dominus.
 38. Ecce appropinquant mala, & non tardant.
 39. Quemadmodum prægnans cum parit in nono mense filium suum, appropinquante horâ partus eius ante horas duas vel tres, dolores circumvent ventrem eius, & prodeunte infante de ventre non tardabunt uno puncto:
 40. sic non morabuntur mala ad prodeundum super terram, & sæculum gemet, & dolores circumtenebunt illud.
 41. Audite verbum, plebs mea: parate vos in pugnam, & in malis sic estote, quasi advenæ terræ.
 42. Qui vendit, quasi qui fugiat: & qui emit, quasi qui perditurus.
 43. Qui mercatur, quasi qui fructum non capiat: & qui edificat, quasi non habitaturus.
 44. Qui seminat, quasi qui non metet: sic & qui vineam putat, quasi non vindemiaturus.
 45. Qui nubunt, sic quasi filios non facturi: & qui non nubunt, sic quasi vidui.
 46. Propter quod qui laborant, sine causa laborant:
 47. fructus enim illorum alienigenæ metent, & substantiam illorum rapient, & domos evertent, & filios eorum captivabunt, quia in captivitate & fame generant natos suos.

48. Et qui negotiantur in rapina, quantum diu exornant civitates & domos suas, & possessiones & personas suas,
 49. tantò magis adz labor eos super peccata sua, dicit Dominus:
 50. Quomodo zelatur fornicaria mulierem idoneam & bonam valde,
 51. sic zelabitur iustitia iniquitatem cum exornat se, & accusat eam in facie, cum venerit qui defendat exquirentem omne peccatum super terram.
 52. Propterea nolite simulari ei, nec operibus eius:
 53. quoniam adhuc pusillum, & tolletur iniquitas à terra, & iustitia regnabit in vos.
 54. Non dicat peccator se non peccasse: quoniam carbonem ignis comburet super caput eius, qui dicit: Non peccavi coram Domino Deo & gloria ipsius.
 55. Ecce Dominus cognoscat omnia opera hominum, & ad inventiones illorum, & cogitationes illorum, & corda illorum.
 56. Dixit enim: Fiat terra, & facta est: fiat cælum, & factum est.
 57. Et in verbo illius stellæ fundatæ sunt, & novit numerum stellarum.
 58. Qui scrutatur abyssum, & thesauros illarum: qui mensus est mare, & conceptum eius.
 59. Qui conclusit mare in medio aquarum, & suspendit terram super aquas verbo suo.
 60. Qui extendit cælum quasi cameram, super aquas fundavit eum.
 61. Qui posuit in deserto fontes aquarum, & super verticem montium lacus ad emittendum flumina ab eminenti petra, ut potaret terram.
 62. Qui finxit hominem, & posuit cor suum in medio corporis, & misit ei spiritum, vitam & intellectum,
 63. & spiramen Dei omnipotentis qui fecit omnia, & scrutinat omnia absconsa in absconsis terræ.
 64. Hic novit ad inventionem vestram, & quæ cogitatis in

cordibus vestris, peccantes & volentes occultare peccata vestra.
 65. Propter quod Dominus scrutando scrutavit omnia opera vestra, & traducet vos omnes,
 66. & vos confusi eritis cum processerint peccata vestra coram hominibus, & iniquitates erunt, quæ accusatores stabunt in die illo.
 67. Quid facietis? aut quomodo abscondetis peccata vestra coram Deo & angelis eius?
 68. Ecce iudex Deus, timete eum. Desinite à peccatis vestris, & obliviscimini iniquitates vestras iam agere eas in sempiterno, & Deus educet vos, & liberabit de omni tribulatione.
 69. Ecce enim incenditur ardor super vos turbæ copiosæ, & rapiunt quosdam ex vobis, & cibabunt idolis occisos:
 70. & qui consenserint eis, erunt illis in derisum, & in improprium, & in conculcationem.
 71. erit enim locus locus, & in vicinas civitates exurrectio multa super timentes Dominum.
 72. Erunt quasi insani nemini parcentes, ad diripiendum & devastandum adhuc timentes Dominum.
 73. quia devastabunt & diripient substantias, & de domibus suis eos ejicient.
 74. Tunc parebit probatio electorum meorum, ut aurum quod probatur ab igne.
 75. Audite dilecti mei, dicit Dominus: Ecce ad sunt dies tribulationis, & de his liberabo vos.
 76. Ne timeatis, nec hæsitetis, quoniam Deus dux vester est.
 77. Et qui servat mandata & præcepta mea, dicit Dominus Deus, ne præponderent vos peccata vestra, ne superent se iniquitates vestræ.
 78. Væ qui constringuntur à peccatis suis, & obteguntur ab iniquitatibus suis, quemadmodum ager constringitur à silva, & spinis regitur semina eius per quam non transit homo, & excluditur, & mittitur ad devorationem ignis.

FINIS.



IN-

INDEX
EPISTOLARUM ET EVANGELIORUM,
 QUÆ È VETERI ET NOVO TESTAMENTO EXCERPTA,
 In Ecclesia Dominicis & aliis Festis diebus leguntur, iuxta Missalis reformationem ex Decreto Sacro-Sancti Concilij Tridentini restituti, Pij V. Pont. Max. iussu editi, & Clem. VIII. auctoritate recogniti:

In Veteri autem Testamento, initio cuiusque Epistola, maiusculis litteris dies in quibus illæ leguntur in margine apponi curavimus; in Novo Evangeliorumque, necnon Epistolarum initium tam in contextu, quam in margine cruce (†) signari, finem hæc notâ (^), solum in ipsomet contextu, terminari: quò facilius legenti illa occurrerent.

A D V E N T U S.
Dominicâ primâ.
 EPISTOLA, Scientes, Rom. cap. 13. v. 11. ad v. 14. *inclus.*
 EVANGELIUM, Erunt, Luc. c. 21. v. 25. ad v. 33. *inclus.*
Dominicâ secundâ.
 Epist. Quæcumque, Rom. 15. v. 4. ad v. 13.
 Evang. Cùm, Matth. 11. v. 2. ad v. 10.
Dominicâ terciâ.
 Epist. Gaudete, Philipp. 4. v. 4. ad v. 7.
 Evang. Miserunt, Ioan. 1. v. 19. ad v. 28.
Feriâ quartâ Quatuor Temporum.
 Epist. Erit, Isai. 2. v. 2. ad 5.
 Item Epist. Locutus est, Isai. 7. v. 10. ad v. 15.
 Evang. Missus est, Luc. 1. v. 26. ad v. 38.
Feriâ sextâ.
 Epist. Egredietur, Isai. 11. v. 1. ad v. 5.
 Evang. Exurgens, Luc. 1. v. 39. ad v. 47.
Sabbato.
 Epist. Clamabunt, Isai. 19. v. 20. ad v. 22.
 Item Epist. Lætabitur, Isai. 35. v. 1. ad v. 7.
 Item Epist. Super, Isai. 40. v. 9. ad v. 11.
 Item Epist. Hæc dicit, Isai. 45. v. 1. ad v. 8.
 Item Epist. Angelus, Dan. 3. v. 49. ad v. 51.
 Item Epist. Rogamus, 2. Theff. 2. v. 1. ad v. 8.
 Evang. Anno, Luc. 3. v. 1. ad v. 6.
Dominicâ quartâ.
 Epist. Sic nos, 1. Cor. 4. v. 1. ad v. 5.
 Evang. Anno, Luc. 3. v. 1. ad v. 6.
In vigilia Nativitatis Domini.
 Epist. Paulus, Rom. 1. v. 1. ad v. 6.
 Evang. Cùm esset, Matth. 1. v. 18. ad v. 21.
 25. Decemb. IN NATIVIT. DOMINI.
Ad primam Missam in nocte.
 Epist. Apparuit, Tit. 2. v. 11. ad v. 15.
 Evang. Exiit, Luc. 2. v. 1. ad v. 14.
Ad Missam in Aurora.
 Epist. Apparuit, Tit. 3. v. 4. ad v. 7.
 Evang. Pastores, Luc. 2. v. 15. ad v. 20.
Ad Missam in die.
 Epist. Multifariam, Hebr. 1. v. 1. ad v. 12.
 Evang. In principio, Ioan. 1. v. 1. ad v. 14.
 26. Decemb. In festo S. Stephani Protomartyris.
 Epist. Stephanus, Act. 6. v. 8. ad v. 10. & excurrit à cap. 7. v. 54. ad v. 59.
 Evang. Ecce ego, Matth. 23. v. 34. ad v. 39.
 27. Decemb. In festo S. Ioannis Apostoli & Evangelistæ.
 Epist. Qui timet, Eccl. 15. v. 1. ad v. 6.
 Evang. Sequere, Ioan. 21. v. 19. ad v. 24.
 28. Decemb. In festo SS. Innocentium.
 Epist. Vidi, Apoc. 14. v. 1. ad v. 5.
 Evang. Angelus, Matth. 2. v. 13. ad v. 18.
 29. Decemb. In festo S. Thomæ Cantuariensis Episcopi & Martyris.
 Epist. Omnis, Hebr. 5. v. 1. ad v. 6.
 Evang. Ego sum, Ioan. 10. v. 11. ad v. 16.
Dominicâ infra Octavam Nativitatis Domini.
 Epist. Quanto, Galat. 4. v. 1. ad v. 7.
 Evang. Erat, Luc. 2. v. 33. ad v. 40.
In Missa de Octava Nativitatis.
 Epist. Apparuit, Tit. 3. v. 4. ad v. 7.
 Evang. Pastores, Luc. 2. v. 15. ad v. 20.
 31. Decemb. In festo S. Sylvestri Pape & Confessoris.
 Epist. Testificor, 2. Timoth. 4. v. 1. ad v. 8.
 Evang. Sint, Luc. 12. v. 35. ad v. 40.
 1. Ianuarij. In die Circumcisionis & Octava Nativitatis Domini.
 Epist. Apparuit, Tit. 2. v. 11. ad v. 15.
 Evang. Postquam, Luc. 2. v. 21.
In Vigilia Epiphaniæ.
 Epist. Quanto, Gal. 4. v. 1. ad v. 7.
 Evang. Defuncto, Matth. 2. v. 19. ad v. 23.
 6. Ianuarij. In Epiphania Domini.
 Epist. Surge, Isai. 60. v. 1. ad v. 6.
 Evang. Cùm natus, Matth. 2. v. 1. ad v. 12.
Dominicâ infra Octavam Epiphaniæ.
 Epist. Obsecro, Rom. 12. v. 1. ad v. 5.
 Evang. Cùm, Luc. 2. v. 42. ad v. 52.
In Octava Epiphaniæ.
 Epist. Surge, Isai. 60. v. 1. ad v. 6.
 Evang. Vidit, Ioan. 1. v. 29. ad v. 34.
Dominicâ secundâ post Epiphaniam.
 Epist. Habentes, Rom. 12. v. 6. ad v. 16.
 Evang. Nuptiæ, Ioan. 2. v. 1. ad v. 11.
Dominicâ terciâ post Epiphaniam.
 Epist. Nolite, Rom. 12. v. 16. ad v. 21.
 Evang. Cùm, Matth. 8. v. 1. ad v. 13.
Dominicâ quartâ post Epiphaniam.
 Epist. Nemini, Rom. 13. v. 8. ad v. 10.
 Evang. Ascendente, Matth. 8. v. 23. ad v. 27.
Dominicâ quintâ post Epiphaniam.
 Epist. Induite, Coloss. 3. v. 12. ad v. 17.
 Evang. Simile, Matth. 13. v. 24. ad v. 30.
Dominicâ sextâ post Epiphaniam.
 Epist. Gratias, 1. Theff. 1. v. 2. ad v. 10.
 Evang. Simile, Matth. 13. v. 31. ad v. 35.
Dominicâ in Septuagesima.
 Epist. Nescitis, 1. Cor. 9. v. 24. ad cap. 10. v. 5.
 Evang. Simile est, Matth. 20. v. 1. ad v. 16.
Dominicâ in Sexagesima.
 Epist. Libenter, 2. Cor. 11. v. 19. ad c. 12. v. 9.
 Evang. Cùm turba, Luc. 8. v. 4. ad v. 15.
Dominicâ in Quinquagesima.
 Epist. Si linguis, 1. Cor. 13. v. 1. ad v. 13.
 Evang. Assumpit, Luc. 18. v. 31. ad v. 43.
Feriâ quartâ Cinerum.
 Epist. Convertimini, Ioel. 2. v. 12. ad v. 19.
 Evang. Cùm, Matth. 6. v. 16. ad v. 21.
Feriâ quintâ.
 Epist. Egrotavit, Isai. 38. v. 1. ad v. 6.
 Evang. Cùm introisset, Matth. 8. v. 5. ad v. 13.
Feriâ sextâ.
 Epist. Clama, Isai. 58. v. 1. ad v. 9.
 Evang. Audistis, Matth. 5. v. 43. ad c. 6. v. 4.
Sabbato.
 Epist. Si abstuleris, Isai. 58. v. 9. ad v. 14.
 Evang. Cùm serò, Marc. 6. v. 47. ad v. 56.
Dominicâ primâ in Quadragesima.
 Epist. Exhortamur, 2. Cor. 6. v. 1. ad v. 10.
 Evang. Ductus est, Matth. 4. v. 1. ad v. 11.